



TOSHKENT DAVLAT YURIDIK UNIVERSITETI REKTORINING

BUYRUG' I

2021-yil 23-aprel

02-101-son

Республика талабалар онлайн фан олимпиадасининг университет босқичини юқори савияда ташкил этиш ва ўтказиш тўғрисида

Ўзбекистон Республикаси олий ва ўрта махсус таълим вазирининг 2021 йил 31 мартдаги “Олий таълим муассасалари талабалари республика онлайн фан олимпиадасини 2021 йилда ташкил этиш ва ўтказиш тўғрисида”ги 159-сон буйруғи ижросини таъминлаш, ихтисослик ва умумкасбий фанлар бўйича талабаларга ўз ижодий қобилиятларини намоён этиш ва ривожлантириш, ютуққа эришаётган ёшлар сонини ошириш, уларнинг билим ва кўникмаларини намоён этишлари учун кенг имкониятлар яратиш ҳамда уларнинг илмий тадқиқотчилик фаолиятига қизиқишини орттириш мақсадида

Б У Ю Р А М А Н

1. Ўзбекистон Республикаси олий ва ўрта махсус таълим вазирининг 2021 йил 31 мартдаги 159-сон буйруғи маълумот ва ижро учун қабул қилинсин.

2. Буйруқ билан қуйидаги ҳужжатлар:

“Олий таълим муассасалари талабалари ўртасида республика онлайн фан олимпиадасини ўтказиш тартиби тўғрисида”ги Муваққат Низом;

Олий таълим муассасалари талабалари ўртасида ўтказиладиган республика онлайн фан олимпиадасини ўтказиш бўйича ташкилий қўмита таркиби;

Олий таълим муассасалари талабалари республика онлайн фан олимпиадаси ўтказиладиган фанлар ҳамда мазкур фанлардан топшириқлар базасини экспертизадан ўтказиш бўйича масъул бўлган олий таълим муассасалари рўйхати тасдиқланганлиги инобатга олинсин.

3. Халқаро ҳуқуқ ва қиёсий ҳуқуқшунослик факультети (К.Ҳакимов) ҳамда Халқаро ҳуқуқ ва инсон ҳуқуқлари кафедраси (Н.Ғофурова) олий таълим муассасалари талабалари республика онлайн фан олимпиадаси (кейинги ўринларда – фан олимпиадаси)да университет масъул этиб белгиланган Халқаро ҳуқуқ фани бўйича топшириқлар базасини ўрнатилган тартибда экспертизадан ўтказиб, олий ва ўрта махсус таълим вазирлигига тақдим этсин.

4. Тошкент давлат юридик университетида фан олимпиадасининг биринчи босқичи 2021 йилнинг 27-30 апрель кунлари давомида “Миллий ғоя, ҳуқуқшунослик, Ўзбекистон Республикаси Конституцияси”, “Халқаро ҳуқуқ”, “Ер ҳуқуқи”, “Иқтисодиёт назарияси”, “Информатика ва ахборот технологиялари”, “Инглиз тили ва адабиёти”, “Рус тили ва адабиёти”, “Немис тили ва адабиёти”, “Ўзбек тили ва адабиёти”, “Француз тили ва адабиёти” ҳамда “Япон тили” фанлари бўйича онлайн шаклда юқори савияда ташкил этилсин.

5. Фан олимпиадасининг университет ва республика босқичларини ўтказиш, жараёнини ташкил этиш ҳамда бу борада талабаларни тайёрлашда масъулиятсизлик билан ёндашган масъулларга нисбатан интизомий жазо чораси қўллаш бўйича огоҳлантирилсин.

6. Фан олимпиадасининг университет босқичини ташкил этиш ва ўтказиш бўйича низом 1-иловага, фан олимпиадасининг университет босқичини юқори савияда ташкил этиш ва ўтказиш бўйича ташкилий қўмита таркиби 2-иловага, фан олимпиадасининг университет босқичини ўтказиш бўйича масъул кафедралар рўйхати 3-иловага мувофиқ тасдиқлансин.

7. Ташкилий қўмита (А.Ҳашимхонов):

фан олимпиадасининг университет босқичини шаффоф ва адолатли ҳамда юқори савияда ташкил этилишини назорат қилсин;

фан олимпиадасининг университет босқичи ғолибларини республика босқичида муносиб иштирок этиши ва ғолибликни қўлга киритиши учун барча ташкилий чораларни кўрсин;

фан олимпиадаларини юқори савияда ташкил этиш ҳамда тегишли фанлар бўйича талабаларни тайёрлаган ва илмий раҳбарлиги остидаги талабаси юқори натижа кўрсатган профессор-ўқитувчиларни рағбатлантириш бўйича таклиф киритсин.

8. Маънавият ва маърифат маркази (Ш.Пўлотов) ҳамда факультет деканлари:

профессор-ўқитувчилар ва талабаларни мазкур буйруқ ва унинг иловаларида белгиланган вазифалар билан таништирсин;

тегишли фанлар бўйича ўтказиладиган фан олимпиадасига талабаларнинг кенг қамровда иштирок этишини таъминласин;

фан олимпиадасининг республика босқичида иштирок этадиган талабаларнинг тайёргарлик даражасини мақсадли ошириш борасида тегишли ишларни амалга оширсин ва уларга малакали профессор-ўқитувчиларни бириктириш чораларини кўрсин;

фан олимпиадасининг университет босқичида ғолибликни қўлга киритган талабаларнинг тегишли хужжатларини республика босқичида иштирок этиши учун ўз вақтида тақдим этсин ҳамда уларнинг иштирокини назорат қилсин;

фан олимпиадасининг республика босқичида ғолибликни қўлга киритган талабаларни муносиб рағбатлантириш бўйича таклиф киритсин.

9. “Электрон университет” маркази (А.Каримов) Ўқув услубий бошқарма билан биргаликда фан олимпиадасининг университет босқичини distant.tsul.uz платформаси орқали онлайн тарзда ўтказилиши учун барча зарур ташкилий масалаларни ўз вақтида ҳал қилиш чораларини кўрсин.

10. Кафедра мудирлари (Н.Ғофурова, С.Муратаев, Б.Мусаев, Г.Узакова, Г.Носирходжаева, О.Тошматов, Н.Рамазонов):

мазкур буйруқнинг 3-илоvasи билан белгиланган тақсимоt асосида фан олимпиадасининг университет босқичини ўтказиш бўйича саволлар базасини ўз вақтида ва сифатли тайёрласин ҳамда уни экспертизадан ўтказиб, платформага жойлаштириш чораларини кўрсин;

фан олимпиадаси ўтказиладиган фанлар бўйича талабаларни мақсадли тайёрлаш чораларини кўрсин.

11. Бухгалтерия (М.Парпиев) фан олимпиадасини юқори савияда ташкил этишда фаоллик кўрсатган масъуллар ва унда ғолибликни қўлга киритган талабаларни белгиланган тартиб асосида моддий рағбатлантириш чораларини кўрсин.

12. Мазкур буйруқ ижросини назорат қилишни ўз зиммамда қолдираман.

Ректор



Р. Хакимов

Лойиҳа киритилди:

Маънавият ва маърифат
маркази директори

Ш.Пўлотов

Келишилди:

Проректор

А.Хашимхонов

Проректор

Н.Салаев

Оммавий ҳуқуқ факультети
декани

Ш.Сайдуллаев

Жиноий одил судлов
факультети декани

Д.Камалова

Хусусий ҳуқуқ факультети
декани

Б.Ходжаев

Халқаро ҳуқуқ ва қиёсий ҳуқуқшунослик
факультети декани в.в.б.

К.Ҳакимов

Бош бухгалтер

М.Парпиев

Юридик бюро
катта юрисконсулти

Э.Хосилов

Тошкент давлат юридик
университети ректорининг
2021 йил “23” апрелдаги
02-101-сон буйруғига
1-илова

**Олий таълим муассасалари талабалари ўртасида ўтказиладиган
республика онлайн фан олимпиадасининг Тошкент давлат юридик
университети босқичини ўтказиш тартиби тўғрисида
НИЗОМ**

1-боб. Умумий қоидалар

1. Мазкур Низом талабалар ўртасида ўтказиладиган республика онлайн фан олимпиадаси (кейинги ўринларда – фан олимпиадаси)нинг Тошкент давлат юридик университети (кейинги ўринларда – университет) босқичини ташкил этиш, ўтказиш ҳамда унда қатнашиш ва олимпиада ғолибларини аниқлаш тартибини белгилайди.
2. Фан олимпиадасини ўтказишга Маънавият ва маърифат маркази масъул ҳисобланади.
3. Фан олимпиадаси пандемия шароитини инобатга олган ҳолда distant.tsul.uz платформаси орқали онлайн тарзда ўтказилади.
4. Фан олимпиадасининг университет босқичида университетда таҳсил олаётган бакалаврият таълим йўналиши (қўшма таълим дастурлари)да таълим олаётган барча талабалар иштирок этишлари мумкин.
5. Фан олимпиадаси ўзбек ва рус тилларида ўтказилади.

2-боб. Фан олимпиадасининг мақсади

6. Фан олимпиадасининг асосий мақсади қуйидагилардан иборат:
талабаларнинг иқтидорларини рўёбга чиқариш ҳамда илмий-тадқиқот фаолиятига бўлган қизиқишини ошириш;
ихтисослик ва умумқасбий фанлар бўйича ўз қобилиятларини намоён этиш, ривожлантириш ва уларнинг истеъдодларини қўллаб-қувватлаш;
эгалланган билимларини амалиётда қўллай олиш борасида кўникмаларини шакллантириш;
иқтидорли ёшларни қўллаб-қувватлаш ва интеллектуал салоҳиятларини ривожланиши учун шарт-шароитлар яратиш ҳамда уларнинг сафини кенгайтириш.

3-боб. Фан олимпиадасини ўтказиш тартиби

7. Фан олимпиадасинининг университет босқичини ўтказиш бўйича ташкилий қўмита таркиби тасдиқланади.

8. Ташкилий қўмита фан олимпиадасини шаффоф ва адолатли ўтишини таъминлайди, ташкилий-техник ва ахборот тизимларини ташкил этиш, ариза ва шикоятларни кўриб чиқиш, ғолибликни қўлга киритган ва муносиб иштирок этган талабаларни ҳамда уларнинг раҳбарларини рағбатлантириш борасидаги масалаларни ҳал этади.

9. Фан олимпиадасининг университет босқичи “Миллий ғоя, ҳуқуқшунослик, Ўзбекистон Республикаси Конституцияси”, “Халқаро ҳуқуқ”, “Ер ҳуқуқи”, “Иқтисодиёт назарияси”, “Информатика ва ахборот технологиялари”, “Инглиз тили ва адабиёти”, “Рус тили ва адабиёти”, “Немис тили ва адабиёти”, “Ўзбек тили ва адабиёти”, “Француз тили ва адабиёти” ҳамда “Япон тили” фанлари бўйича бўлиб ўтади.

10. Тегишли кафедралар томонидан ҳар бир фан бўйича ўқув дастури ва режаларида кўрсатилган мавзулар юзасидан ўзбек ва рус тилларида (хорижий тиллар бундан мустасно) 100 тадан саволлар базаси шакллантирилади ва экспертизадан ўтказилади.

Тест топшириқлари тўғри ва мантикий тузилишига тегишли кафедра мудир масъул ҳисобланади.

Кафедраларнинг масъуллари томонидан саволлар базаси Ўқув услубий бошқарма ходимлари билан биргаликда distant.tsul.uz платформасига жойлаштирилади.

11. Факультет деканлари ҳамда тегишли кафедралар фан олимпиадасини ўтказилиш тартиби ҳамда муддатлари бўйича талабалар ўртасида тушунтириш ишларини олиб боради, иштирок этиш истагида бўлган талабаларни рўйхатдан ўтказади ва уларни фанлар бўйича тайёрлаб боради.

12. Тегишли фанлар бўйича олинadиган тест жараёнлари вақти бўйича талабалар орасида эълон берилади.

13. Иштирокчиларнинг билим даражасини аниқлаш мақсадида 50 тадан тест тақдим этилади. Улар 25 дақиқа давомида берилган саволларга жавоб беришлари талаб этилади. Ҳар бир савол учун 2 балл берилади. Энг кўп балл тўплаган 2 нафар иштирокчи ғолиб деб топилади. Юқори балл тўплаган иштирокчиларнинг натижалари бир хил бўлган тақдирда уларнинг сарфлаган вақтига яъни кам вақт сарфлаганлигига эътибор қаратилади.

14. Фан олимпиадасининг университет босқичида биринчи ва иккинчи ўринни қўлга киритган иштирокчилар кейинги босқичга тавсия этилади ҳамда

тегишли кафедраларнинг малакали профессор-ўқитувчилари билан биргаликда республика босқичига тайёргарлик кўрилади.

15. “Электрон университет” маркази ғолиб деб топилган талабаларнинг olimpiada.edu.uz портали орқали республика босқичида иштирок этиши учун рўйхатдан ўтишини таъминлайди.

4-боб. Фан олимпиадаси ғолибларини рағбатлантириш тартиби

16. Фан олимпиадасининг университет босқичида совринли ўринларни эгаллаган талабалар I ва II даражали диплом билан тақдирланадилар.

17. Фан олимпиадасининг республика босқичида совриндор талабалар ва уларнинг илмий раҳбарлари ҳамда олимпиадани ташкил этиш ва ўтказишда фаол қатнашган ходимлар, белгиланган тартибда университет бюджетдан ташқари маблағлари ҳисобидан моддий рағбатлантирилади.

5-боб. Якуний қоида

18. Фан олимпиадасини ташкил этиш жараёнида юзага келадиган муаммоли вазиятлар ташкилий қўмита томонидан кўриб чиқилади.

Тошкент давлат юридик
университети ректорининг
2021 йил “23” апрелдаги
02-101-сон буйруғига
2-илова

**Республика талабалар онлайн фан олимпиадасининг университет
босқичини юқори савияда ташкил этиш ва ўтказиш бўйича
ташкилий қўмита
ТАРКИБИ**

- | | |
|---------------|--|
| Р.Хакимов | – Тошкент давлат юридик университети ректори, ташкилий қўмита раиси; |
| А.Хашимхонов | – Ёшлар билан ишлаш бўйича проректор, ташкилий қўмита раиси ўринбосари; |
| Н.Салаев | – Илмий ишлар ва инновациялар бўйича проректор, аъзо; |
| И.Рустамбеков | – Ўқув ишлари бўйича проректор – ТДЮУ ҳузуридаги академик лицей директори, аъзо; |
| Ш.Пўлотов | – Маънавият ва маърифат маркази директори, аъзо; |
| Ш.Сайдуллаев | – Оммавий ҳуқуқ факультети декани, аъзо; |
| Д.Камалова | – Жиноий одил судлов факультети декани, аъзо; |
| Б.Ходжаев | – Хусусий ҳуқуқ факультети декани, аъзо; |
| К.Хакимов | – Халқаро ҳуқуқ ва қиёсий ҳуқуқшунослик факультети декани в.в.б., аъзо; |
| Д.Ҳабибуллаев | – Фуқаролик процессуал ва иқтисодий процессуал ҳуқуқ кафедраси мудири, аъзо; |
| Н.Иноятов | – Ўзбекистон ёшлар иттифоқи бошланғич ташкилоти етакчиси, аъзо; |
| Қ.Мусаев | – Маънавият ва маърифат маркази Иқтидорли ёшларни қўллаб-қувватлаш ва ҳуқуқий тарғибот бўлими услубчиси, масъул котиб. |

Тошкент давлат юридик
университети ректорининг
2021 йил “23” апрелдаги
02-101-сон буйруғига
3-илова

**Республика талабалар онлайн фан олимпиадасининг университет
босқичини ўтказиш бўйича масъул кафедралар
рўйхати**

Т/р	Фан олимпиадаси ўтказиладиган фанлар	Масъул кафедралар
1.	Миллий ғоя, ҳуқуқшунослик, Ўзбекистон Республикаси Конституцияси	Давлат ва ҳуқуқ назарияси, Умумтаълим фанлар ва маданият, Конституциявий ҳуқуқ кафедралари
2.	Халқаро ҳуқуқ	Халқаро ҳуқуқ ва инсон ҳуқуқлари кафедраси
3.	Ер ҳуқуқи	Экология ҳуқуқи кафедраси
4.	Иқтисодиёт назарияси	Умумтаълим фанлар ва маданият кафедраси
5.	Информатика ва ахборот технологиялари	Умумтаълим фанлар ва маданият кафедраси
6.	Инглиз тили ва адабиёти	Хорижий тиллар кафедраси
7.	Рус тили ва адабиёти	Ўзбек тили ва адабиёти кафедраси
8.	Немис тили ва адабиёти	Хорижий тиллар кафедраси
9.	Ўзбек тили ва адабиёти	Ўзбек тили ва адабиёти кафедраси
10.	Француз тили ва адабиёти	Хорижий тиллар кафедраси
11.	Япон тили	Хорижий тиллар ҳамда Халқаро ҳуқуқ ва инсон ҳуқуқлари кафедралари Халқаро ҳамкорлик бошқармаси билан ҳамкорликда